



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXXVIII. De Excitatore nocturno.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

te, sub tua porrò me semper habere ut per-
gas tutela, „

CAPUT XXXIIX.

De Excitatore Nocturno.

Officio hic fungitur Angeli, qui mediâ nocte invitabat Pastores, ut venirent ad mundi Salvatorem in præsepio adorarent, quoniam idem Salvator in tabernaculo super Altari requiescit.

Angelus custos conventus, cunctique singulorum Religiosorum Angeli Tutelares illius ministerio imprimis oblectantur. Illi ipsi congratulantur, quod ipsis in Patribus ac Fratibus eorum curæ commissis ad Dei laudes concinendas excitandis auxilio sit. Ipsum etiam in ista actione comitantur, veluti Evangelista fidem facit, beatorum spirituum multitudinem sese adjunxisse illi, qui pastoribus loquebatur, *Luc. 2. 13. facta est cum Angelo multitudo cœlestis exercitus.* Cùm enim illos maximè ament, qui Chori frequentatione delectantur, illum indubiè majori prosequuntur amore, qui alios cum gaudio illuc adducit.

Directio.

Domine Deus, gratias tibi ago, quòd me eligere voluisti, qui servos tuos ad te collaudandum excitarem. Eâ nimirum ratione tua bonitas amplissimam mihi præbet facultatem, illi satisfaciendi pro peccatis à me in sæculo admissis effrœnatis licentiis, quòd majorem
nocturnum

" hostium partem lusuibus aliisque solucioris
 " vitæ occupationibus impenderim atque
 " transegerim. Officium omninò Angeli-
 " cum tu mihi injungis. Oro te, ut etiã mi-
 " hi spiritus fervorem atque exteriorẽ lat-
 " gias dexteritatem, ut eo ritè defungar ad
 " majorem tuam gloriam ac totius communi-
 " tatis ædificationem. Virgo sacratissima,
 " tuum est ac tibi consecratum hocce cœno-
 " bium, illiusque inquilini Religiosi familiam
 " tibi propriam constituunt: tui enim do-
 " mestici, tuo sumus in primis consecrati ser-
 " vitio. Illius ego pro virili mea servare splen-
 " dorem atque Ordinis & Religionis diligen-
 " tem custodiam connitatur. Velut Matrem te
 " oro, istam filio ac indigno tuo famulo gra-
 " tiam ut obtineas. Angele sancte, qui Pro-
 " tector es Ecclesiæ nostræ ac Dei negotiorum
 " in isto Monasterio curator, tu in isto me ser-
 " vitio, veluti minimum tutum servulum esse
 " putato, ut pulsem campanam, ac Religio-
 " sos istius loci inquilinos ad laudandum com-
 " mune nostrum Creatorem ac Dominum
 " expergeficiam.

Occupatio inter excitandum interior.

Desumi illa poterit ex Officii diei sive Festi
 invitatorio exempli gratiã:

*Regem Apostolorum, aut Martyrum, aut
 Confessorum &c. Dominum venite adoremus:*

Christus natus est nobis: venite adoremus:

Nativitatem aut Conceptionem Virginis

Mariae devotissimè celebremus: Christum ejus

Filium adoremus Dominum.

Hoc signum magni Regis est; eamus & inquiramus eum. Prope est Dominus: venite adoremus.

Desumi etiam poterit è nonnullis Psalmorum versiculis, aut exemplo vetustiorum quorundam Monasteriorum, quorum meminit S. Hieronymus, ex cœlesti *Alleluja* quod significat *laudate Deum*.

CAPUT XXXIX.

De excitatore matutino pro oratione mentali.

Quod si excitator nocturnus officio fungitur Angeli illius, qui Pastores invitabat, ut venirent ac Dominum nostrum adorarent in præsepio, Matutinus istum refert, qui Dominicæ Resurrectionis diei manè sanctis loquebatur mulieribus, illasque mittebat ad Apostolos, ut isti exinde apparitionibus ac suavissimâ ejusdem Salvatoris nostri præsentiam recrearentur. Oratio enim mentalis exercitium est, in quo Dominus noster præsentiam suam animas id cupientes consolatur, ubi illis degustandum ac sentiendum se præbet.

Est etiam instar servi illius Patrisfamilias, de quo dicitur in Evangelio, quod ubi amicis suis apparasset convivium, illum misit, ut illos moneret, ut venirent, quoniam omnia jam parata forent: *Misit servum suum hora cœnæ dicere invitatis, ut venirent: quia jam parata sunt omnia.* Oratio enim mentalis bonorum Religiosorum spirituale ac voluptuosum convivium est.

LUC. 14.
17.

Dire-